

ZENIČKO-DOBOJSKI KANTON		
10-07-2013		
02	24	15576/



Udruženje/Udruga poljoprivrednih proizvođača Zeničko-dobojskog kantona
 ID 4218748840001
 Ul.Avde Smajlovića 2D,72 000 Zenica Tel./Fax.:061/91 37 74 062/13 81 92
 E-mail:zdkpoljoprivreda@yahoo.com biogradija@yahoo.com
 Žiro račun:Sparkkase Bank Zenica 199-051-00546018-31

Broj: 11-07/13
 Zenica, 17.07. 2013.godine

ZENIČKO-DOBOJSKI KANTON
VLADA ZENIČKO-DOBOJSKOG KANTONA
Kabinet Premijera Vlade ZDK
n/r G-din Džemaludin Ramić
Savjetnik Premijera ZDK

Poštovani,

U 2013.godini poljoprivrednici Zeničko-dobojskog kantona su višestruko iskazivali svoje nezadovoljstvo alarmantnim stanjem u poljoprivrednom sektoru nastalim stalnim višemjesečnim kašnjenjima ionako skromnih poticajnih sredstava(poticajna sredstva za poljoprivredni sektor iznose skromnih oko 0,47 % ukupnog iznosa budžeta ZDK),kao i ukupnim tretiranjem poljoprivrednog sektora gdje su deklarativno opredjeljenje i podrška predstavljali nastavak agonije u kojoj su se našli poljoprivrednici Zeničko-dobojskog kantona.

Tu resorno ministarstvo poljoprivrede, vodoprivrede i šumarstva, na čelu sa ministrom Bojanom Bošnjakom nije odgovorilo zadatku.

Tragom toga,usljed nerazumjevanja za nastalo stanje,poljoprivrednici su svoje nezadovoljstvo višestruko iskazivali protestima i na ulici i pred sjedištem Vlade Zeničko-dobojskog kantona.

Napominjemo da je stanje u poljoprivrednom sektoru posebno teško posljednje dvije godine kako zbog teških elementarnih nepogoda koje su pogodile poljoprivrednike(obilne sniježne padavine iz februara 2012.godine,teška nezapamćena suša tokom ljeta 2012.godine),tako i zbog neredovnosti isplate poticajnih sredstava sa svih nivoa.Ogorčenost poljoprivrednika odnosom Federalnog ministarstva poljoprivrede prema poljoprivrednom sektoru je nemjerljiva,osobito u posljednje dvije godine,gdje su poljoprivrednici na terenu bili predmetom različitih pritisaka i netransparentnosti utroška poticajnih sredstava,i to očito jer "nisu pripadali nekome".Rezultat toga je umanjeње stočnog fonda koji posljednje dvije godine rapidno opada,gašenje proizvodnji, smanjenje sjetvenih površina,izostanak pravovremenih reakcija,itd..

U ovom trenutku veliki broj poljoprivrednih proizvođača gasi svoje proizvodnje,gasi poljoprivrede obrte,obustavlja proizvodnje.

Dogovorima u ranijem periodu, a oni najnovijeg datuma datiraju od 13.05.2013.godine, 13.06.2013.godine i posljednji 12.07.2013.godine, uspješno su riješeni gorući problemi poljoprivrednika Zeničko-dobojskog kantona.

Ovim putem se, još jednom, zahvaljujemo na uložnim naporima Vlade ZDK, Premijeru Vlade ZDK G-dinu Munibu Huseinagiću, v.d. ministrici finansija Nadi Delibašić, a koji su rezultirali isplatom poticaja i to duga iz 2012.godine.

Time je Vlada ZDK, na čelu sa Premijerom Vlade ZDK G-dinom Munibom Huseinagićem pokazala opredjeljenje u kojem prepoznaje važnost poljoprivrednog sektora u ukupnom razvoju Zeničko-dobojskog kantona.

Dalje,

Iskazujemo i punu podršku Vladi ZDK, Premijeru Vlade ZDK na odluci o formiranju interesorne radne grupe s ciljem kontrole potencijalnih korisnika programa poticaja po osnovi Javnog poziva iz 2012.godine za tzv. uređenja zemljišta. Napominjeno da smo još prije dvije godine ukazivali na manjkavosti ovog Javnog poziva koji se do sada objavljivao svake godine.

Svjesni činjenice da su istinski potencijalni korisnici ove vrste poticaja u vrlo teškoj poziciji, svjesni također da to sve "predugo traje", prije svega jer su istinski poljoprivrednici ulagali svoja sredstva sa ciljem zasnivanja proizvodnji ili proširenja iste, želja nam je da formirana komisija što prije uradi svoj dio posla, detaljno provjeri stanje na terenu i evidentira moguće malverzacije, te da pomenuta sredstva i budu u "rukama" istinskih poljoprivrednika, a ona su prijeko potrebna. Od istinskih poljoprivrednika i Udruženja poljoprivrednika ZDK Vlada ZDK, Premijer ZDK i gore pomenuta komisija imaju punu podršku i svu suradnju.

Ukazujemo i na slijedeće:

- Program poticaja za 2013.godinu nije objavljen i to poljoprivrednike i proizvođače dovodi u još težu situaciju. To mora biti žurno usvojeno sa uvedenim primjedbama poljoprivrednika, prije svega uvažavajući činjenicu svih nepovoljnosti za poljoprivredni sektor u posljednje dvije godine, kao i primjedbe koje ukazuju na propuste u poticanju strateški važnih proizvodnji:
 - a) *Peradarstvo*
Zeničko-dobojski kanton vodeći je kanton u Federaciji BiH u ovoj vrsti proizvodnje, gdje godišnja proizvodnja iznosi cca 7 miliona kg pilećeg mesa. Primjer, Kanton Sarajevo, na godišnjem nivou proizvede cca 2 miliona kg, a istu proizvodnju potiče iznosom od 0,30 KM, dok ZDK tu istu vrstu proizvodnje potiče sa 0,08 odnosno 0,10 KM. Treba imati na umu činjenicu da je sistem kontrole u ovoj vrsti proizvodnje na zavidnom nivou, zasnovan na kooperantskom odnosu i strateški i ekonomski opravdan.
 - b) Po rebalansu budžeta da se u Program poticaja za 2013.godinu uvrsti stavka premije iz 2012.godine, započeta u 2011.godini, a zbog nedostatka sredstava je ista obustavljena, na koji su korisnici aplicirali i to za poticaj u iznosu od 100,00 KM/grlo, gdje su aplikanti izvršili sve predradnje za apiciranje (vađenje krvi, veterinarski karton, predaju mlijeka kooperantima),

što bi bilo subvencioniranje troškova koje su već platili, kao i poticaj za očuvanje stočnog fonda, uzimajući u obzir težinu u posljednje dvije godine
Ukupan iznos ovog poticaja je cca 600.000,00 KM

- c) Uvrštavanje stimulativnih poticaja za druge proizvodnje-biljna proizvodnja koja ima osnova za tržišnu usmjerenost
- d) Poticaj za razvoj prerađivačkih kapaciteta na ZDK zbog nerazvijenosti ovog dijela a sa ciljem obuhvatanja integralnog dijela proizvodnje

- Prema Preliminarnom Registru odabranih faktura za plaćanje od 14.06.2013. godine Ministarstva finansija ZDK (u prilogu dokumenta) i to Udruženjima poljoprivrednika po osnovi finansiranja udruženja iz oblasti poljoprivrede potpuno je očito da je u velikoj većini "odabranih" Udruženja planirano finansiranje "podobnih" Udruženja, putem kojih se, bojimo se, koriste budžetska sredstva za finansiranje sasvim drugih stvari, a ne referentnih udruženja čije aktivnosti su usmjerene na promicanje važnosti udruživanja poljoprivrednika, udruženja koja imaju potporu lokalne zajednice, udruženja koja realizuju programe povećanja proizvodnje, edukativnih programa kao i programa od značaja za poljoprivredni sektor.

Tako se prema navedenoj fakturi u velikoj većini finansiraju udruženja čiji ovlašteni predstavnici pripadaju istaknutim članovima i aktivistima Narodne stranke radom za boljitak (općinski povjerenici NSRzB).

Upozoravamo da je ovo očit pokušaj finansiranja rada političke stranke, jačanja političkog aktivizma na terenu, prikupljanja političkih "poena" i finansiranje raznih i kojekakvih političkih obećanja iz nedavne prošlosti.

Ovakav "odabir" podobnih Udruženja, dok druga referentna udruženja nemogu ni dobiti termin za sastanak o problematici poljoprivrednog sektora, mora biti predmetom revizije, kao i pozivanjem na odgovornost. Poljoprivredna udruženja sa područja Zeničko-dobojskog kantona će budno pratiti, kako, kome se dodjeljuju budžetska sredstva namijenjena jačanju poljoprivrednog sektora. Ovim putem molimo Vladu Zeničko-dobojskog kantona da bude partner u prepoznavanju onih udruženja koja se zalažu za jačanje ideje udruživanja, borbe za prava istinskih poljoprivrednika

Zenica, 17. Juli 2013. godine

Udruženje/Udruga poljoprivrednih proizvođača
Zeničko-dobojskog kantona

/ Drago Križević /

